

## **TSHOOJ XIX: Ntxais Nkauj Xwb Muaj Me Nyuam Ua Ntej Yuav Txiv**

Tus ntxhais muaj lwm tus me nyuam ua ntej yuav txiv, tus vauv ho tuaj ua tshoob, kom ua tshoob ib yam li nkauj xwb raws nraim li lub txhooj tshoob tab sis nqi mis nqi hno yuav tau sau raws li hauv qab no:

Muaj 1 tug me nyuam them \$4,000.00

Muaj 2 tug me nyuam them \$3,000.00

Muaj 3 tug rov saud lawm ces tsuas pub niam txiv sau \$2,000.00 lawm xwb.

## **TSHOOJ XX: Yuav Lwm Haiv Neeg**

- A. Yog tus ntxhais yuav lwm haiv neeg, tus vauv yuav tsum tuaj xaus tshoob kos raws li Hmoob 18 Xeem lub txhooj tshoob.
- B. Yog tus tub yuav lwm hais neeg nws yuav tau mus xaus tshoob kos raws li haiv neeg ntawd txoj kab lis kev cai.

## **TSHOOJ XXI: Yuav Poj Niam Tsis Raws Hmoob Txoj Cai**

Yog hais tias tus vauv coj tau tus ntxhais mus ua txij ua nkawm tab sis nkawd mus tsis raws li tus ntxhais lub neej xws li tias tej zaum tus ntxhais yog nkauj thim, yuav dua txiv lawm, tab sis tus vauv ho coj mus raws li tus ntxhais nkauj xwb:

Txwv txiav tsis pub niam tais yawm txiv los cov neej tsa yuam cai kom tus vauv them nqi mi nqi hno raws li nws txoj kev uas coj nws tus poj niam yuam kev. Niam tais yawm txiv thiab neej tsa yuav tsum sau nqi tshoob nqi kos, nqi mi nqi hno raws li tus ntxhais lub neej xwb xws li tias yog tus ntxhais yog nkauj thim, nkauj xa, poj ntsuam, ces yuav tsum sau raws tus nqi nkauj thim, nkauj xa, los poj ntsuam nkaus xwb. *Saib rau hauv Hmoob 18 Xeem phau tshoob kos.*

## **TSHOOJ XXII: Quab Yuam Tub Ntxhais Sib Yuav Xws Li Qhaib Thiab Zij**

Quab yuam tub ntxhais hnuv nyoog tsis txog los tsis sib yeem sib yuav txhaum txoj kev cai lij choj rau tsoom fww. Hmoob 18 Xeem txwv tu nro tsis pub quab yuam tub ntxhais sib yuav.